

# PLUMALHON



Ua rondaleja

Ua vita d'abelha

L'Euròpa

Conte  
Lo pelegrin  
de pèira



Quan arriba l'estiu en montanha que i a hòrt de rondalejaires. Mes cada annada, rondalejaires qui son mau equipats, mau informats o imprudents, qu'an accidents. Se vòs partir tranquille suus camins de montanha, Plumalhon e Elsa que't dan quauques conselhos.

# Ua rondaleja per la montanha

A 8 h deu matin qu'ei la bona òra entà partir. Que cau verificar s'as tot chò qui cau hens la sarpa. Com ei la prumèra passejada de l'estiu non serà pas tròp longa : ua òra e mieja.

Abans de partir qu'espai lo camin sus ua mapa. Per las montanhas, entà trobar lo camin que cau seguir las marcas de pintrura hèitas peus agents deus parcs regionaus o nacionaus.



Qu'ei hòrt important d'estar plan equipat. Que cau ua sarpa (ua saca d'esquia) qui non darà pas mau de rea, vestits meilèu de coton e un bon par de solièrs. Los solièrs que deven sarrar e protegir lo cavilhar. Que cau que posquin resistir sus las arròcas.


Que hè mieja òra que camini. Qu'ei calor. Que'm vau rafresquir la cara a ua sorça. Non soi pas segur que l'aiga e sia bevedera. Que bevi meilèu l'aiga de la bota qui m'ei hèit seguir. Que'n profieiti tà minjar un nhac : ua barra de ceralas o frutas secas (pruas, abricòts...).



Que'm harà ben abans d'atacar la dusau partida, la pujada cap au lac !

Tè ! qu'ei entenut a shiular !

Las marcas tà seguir lo camin que son sia rojas e blancas, sia rojas e jaunas. Còps que i a qu'indican lo camin dab un pialotòt de calhaus.



Que son las marmòtas. Que preni las binòclas e que las espai.







Ua vipèra aspic



**A**u cap de mieja òra lo só qu'ei tornat mes en devarar que soi anada tròp viste e qu'èi trebucat seus calhaus.

Urosament qu'avèvi portat cò que calèva. Frederic lo fotografe de *Plumalhon* que'm suenha. Qu'èi sonque ua esgarrauishada, mes totun que sagna e quan vedi la sang, que'm vira lo cap.



**Q**ue pòt arribar qu'un arralhat en truvèrs deu camin e m'obligui a har drin d'escalada. En aqueras arròcas que's cau avisar tostemps on pausas las mans. Còps que i a que s'i vienien arrajar las vipèras. Avisa't tanben a las vrèspas.

Enfin au cap de 1 h 30 de camin que soi au lac. Que'm pausi e que mingi.

Nublas qu'arriban deu haut de la montanha enlà. Lo temps que pòt cambiar lèu. En vint minutas que soi en la bruma e que hè hred. Que hiqui lo vestit tà la ploja e que baishi.

Frederic que'm ditz de m'ajacar e que'm hica ua apriga de subèrvita tà que n'agi pas hred. Au cap de vint minutas que va mièlher e qu'acabam la passejada.



**F**inalament tot que s'ei passat plan pr'amor qu'èri plan equipada e prudenta. A maugrat lo petit mau au jolh, que vai poder contar la passejada aus pairs.